



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Jumaat, 11 Februari 2022	
1	Kenaikan harga ayam
2	'Sedekah pahala pada arwah ayah'
3	'Jangan naikkan harga ayam, telur'
4	'Jangan lagi bagi alasan naikkan harga ' -RM28.52 juta stabilkan harga ayam, telur
5	Stok dijangka kurang menjelang Ramadan
6	Langkah tepat menjelang perayaan
7	Kian ramai beralih beli telur itik
8	- Segerakan subsidi untuk penternak ayam -Tambah subsidi ikut harga pasaran -Sukar dapat ayam di Kuala Terengganu -Perlu ada penyelesaian jangka panjang selain subsidi
9	Inspire by late father to become an animal rescuer

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

TARIKH	MEDIA	RUANGAN	MUKA SURAT
11.2.2022	HARIAN METRO	LOKAL	12

KENAIKAN HARGA AYAM

Segerakan pemberian subsidi penternak

Kuala Lumpur: Kerajaan perlu menyegerakan pemberian subsidi kepada penternak ayam bagi menangani isu kenaikan harga bahan makanan itu di pasaran.

Penasihat Persekutuan Persatuan-Persatuan Penternak Malaysia (FLFAM), Datuk Jeffrey Ng berkata, pemberian subsidi seperti diumumkan kerajaan kelmarin berupaya membantu golongan penternak berkenaan yang terkesan akibat kenaikan harga dedak dan anak ayam.

“FLFAM menyambut baik keprihatinan kerajaan yang bersetuju memberikan subsidi harga ayam dan telur

ayam kepada penternak, cuma masalahnya ialah bila subsidi itu akan diberikan.

“Kami juga masih menunggu mekanisme pemberian subsidi terbabit. Jika terpaksa tunggu (subsidi diberi) terlalu lama, pengusaha industri ini akan lebih terkesan. Jadi saya berharap kerajaan dapat segerakan pemberian subsidi ini,” katanya kepada BH, semalam.

Kelmarin, Kabinet bersetuju memberi subsidi harga ayam dan telur ayam kepada penternak sepanjang tempoh pelaksanaan Skim Kawalan Harga Keluarga Malaysia (SKHKM).



NORASHIKIN (tiga dari kanan) dan Mas Ermieyati melihat doktor haiwan menyuntik vaksin pada kucing di pusat perlindungan haiwan Star di Kampung Paku, Alor Gajah.

'Sedekah pahala pada arwah ayah'

Alor Gajah: "Saya sedekahkan pahala menyelamatkan haiwan terbuang dan memeliharanya hingga sihat kepada roh arwah ayah, Alahyarham Ahmad Saad.

"Semasa hayat arwah masih ada, kami dididik supaya sentiasa menyayangi haiwan dan mencuba menyelamatkannya daripada terbiar sakit atau mati," kata Norashikin Ahmad, 29.

Pemilik Pasukan Penyelamat Haiwan Shikin (Sy-tar) itu berkata, walaupun bapanya sudah tiada sejak 2012, dia dan sukarelawan termasuk doktor haiwan berusaha menyelamatkan haiwan seperti kucing, anjing dan kuda.

Katanya, naluri ingin membantu sesama makhluk ciptaan Allah SWT mendorong dia dan anggota pasukan berkenaan bertungkus-lumus menyelamatkan haiwan itu daripada terbiar begitu sahaja di tepi jalan, pasar dan seumpamanya.

"Semasa arwah ayah masih ada, arwah selalu menyelamatkan kucing, anjing dan monyet yang ditimpa kemalangan.

"Sekarang setiap kali saya memandu kereta, kadangkala saya terasa seolah-olah ada mata sedang memerhatikan saya dan apabila sa-

ya berpatah balik, memang betul ada kucing di tepi jalan meminta ihsan kami," katanya pada program vaksinasi 30 kucing dan 30 anjing di Star, Kampung Paku di sini, kelmarin.

Hadir sama, Ahli Parlimen Masjid Tanah Datuk Mas Ermieyati Samsudin dan Presiden Kelab Kucing Malaysia, Khalid Rashid.

Norashikin berkata, dia memulakan aktiviti menyelamatkan dan memelihara 15 kucing pada 2014 selepas menyaksikan petugas pihak berkuasa tempatan (PBT) menangkap kucing jalanan.

Bermula dari detik itulah, dia menambah jenis haiwan yang diberikan perlindungan iaitu anjing, kuda dan biri-biri.

Katanya, dia amat menyanjung keprihatinan anggota masyarakat untuk menjadi sukarelawan bagi membantu memelihara 100 kucing dan 60 anjing, dua kuda dan dua biri-biri yang dikutip dari pelbagai lokasi.

"Semasa perintah kawalan pergerakan (PKP) 1.0 dan 2.0, ramai pemilik kucing tidak mampu mengeluarkan kos pemeliharaan kucing dan terpaksa menyerahkannya kepada kami," katanya.



SEBAHAGIAN daripada kucing peliharaan Norashikin di Star, Kampung Paku, Alor Gajah.

'Jangan naikkan lagi harga ayam, telur'

Penternak, peniaga tiada alasan tekan rakyat selepas kerajaan bagi subsidi RM528.52 juta

ORANG ramai mendesak para peniaga agar tidak lagi sesuka hati menaikkan harga telur dan ayam di pasaran selepas kerajaan bersetuju memberi subsidi sebanyak RM528.52 juta bagi kedua-dua hasil ternakan itu susulan peningkatan kos operasi.

Menurut mereka, subsidi selama empat bulan yang disalurkan oleh kerajaan kepada golongan penternak itu sebenarnya cukup besar dan seharusnya diambil peluang oleh semua pihak termasuk para peniaga untuk meringankan beban rakyat.

"Subsidi sudah diberi, jadi tiada alasan lagi kepada pihak terbabit untuk bermain harga. Rakyat sudah cukup terbeban dan jangan susahkan kami lagi," kata suri rumah dari Ampang, Syahidatul Maryam Mohamed Zan, 30. • LAPORAN PENUH DI MUKA 2

HARGA ayam bulat yang ditetapkan oleh kerajaan di peringkat runcit adalah RM8.90 sekilogram.

Pengguna mahu peniaga, penternak bantu rakyat selepas kerajaan berikan subsidi

'Jangan lagi bagi alasan naikkan harga'

Oleh MOHD. YUNUS YAKKUB,
MOHD. AZLI ADLAN, MOHD.
SHARKAWI LONDING, ALWANI
ZAFIRAH KHAIRUL dan NUR
SYAZWANA RANSOR

PETALING JAYA – Pengguna di seluruh negara menyambut baik keputusan kerajaan yang memberikan subsidi ayam dan telur sebanyak RM528.52 juta kepada penternak dalam usaha menstabilkan harga selain meningkatkan pengeluaran bekalan kedua-dua bahan mentah itu.

Menurut mereka, pemberian subsidi sebanyak 60 sen bagi setiap kilogram ayam dan 5 sen bagi sebiju telur itu dianggap sudah memadai dalam memastikan harga pasaran kekal dan tidak mengalami kenaikan.

Di Shah Alam, Selangor, seorang suri rumah, Syahidatul Maryam Mohamed Zan, 30, mengakui kenaikan harga telur dan ayam sejak kebelakangan ini jelas mengganggu perbelanjaan isi rumah memandangkan kedua-dua bahan mentah itu adalah keperluan wajib bagi keluarganya.

"Subsidi sudah diberi, jadi tiada alasan lagi untuk bermain harga. Rakyat sangat terbeban, jangan susahkan kami," katanya.

Bagi pekerja swasta, Mohd. Nazereen Ibrahim, 39, pula, dia berharap agar pihak berkuasa mengambil tindakan tegas sekiranya ada golongan penternak termasuk peniaga yang mengambil kesempatan selepas ini.

"Dalam keadaan rakyat terhipit dengan kesan ekonomi disebabkan Covid-19, situasi seperti ini (kenaikan harga) tidak sepatutnya berlaku," jelasnya.

Di Kuala Terengganu,



ORANG ramai berharap harga ayam dapat dikekalkan atau diturunkan sedikit selepas kerajaan bersetuju memberikan subsidi sehingga bulan Jun tahun ini.

Terengganu, seorang pengguna, Nor Aznida Alias, 42, berharap subsidi kerajaan itu mampu memberi kesan segera terhadap harga dan bekalan ayam serta telur ayam di pasaran.

"Pengguna bukan sahaja berdepan dengan beban kos yang tinggi, malah bekalan ayam dan telur ayam di pasaran juga sangat tidak menentu."

"Saya harap, harga dan bekalan bahan mentah itu kembali stabil selepas ini," katanya.

Seorang lagi pengguna, Mohd. Zaki Mohamed, 63, berkata, subsidi tersebut menunjukkan kesungguhan kerajaan untuk mengurangkan beban rakyat.



PENGUSAHA telur ayam di negara ini akan mendapat subsidi daripada kerajaan sebanyak 5 sen bagi setiap biji.

"Saya betul-betul berharap peminat industri baik pengusaha, pemberong dan peruncit tidak memberi alasan untuk menaikkan harga selepas ini," katanya.

Di Sungai Petani, Kedah, seorang peniaga kek, Siti Asmah Nordin, 25, melahirkan rasa gembira dengan pemberian subsidi sebanyak 5 sen sebiju telur yang merupakan antara bahan utama dalam perniagaannya.

"Pengumuman kerajaan untuk memberi subsidi kepada penternak sememangnya melegakan saya sebagai peniaga."

"Saya harap tiada lagi isu kenaikan harga ayam dan telur kerana sukar untuk kami kekalkan harga jualan jika harga telur terus meningkat," ujarnya.

Di Johor Bahru, Johor, suri rumah, Siti Noor Asiah Muda, 33, mahu golongan penternak dan peniaga membalas jasa kerajaan dengan memastikan harga telur dan ayam tidak dinaikkan lagi.

"Subsidi ini diberikan kepada penternak ayam dan pengeluar telur ayam, jadi kami pengguna berharap jangan naikkan harga sesuka hati."

"Kerajaan dah bantu mereka, sekarang mereka pula perlu bantu pengguna, bukan sekadar nak untung sahaja," katanya.

Di Kuala Lumpur, penjawat awam, Norashikin Che Ram, 29, berkata, sebagai pengguna mereka mempunyai hak untuk mendapatkan harga bahan mentah dengan kadar yang berpatutan.

"Sebagai pengguna, sudah pasti mahukan harga barang yang berpatutan dan dalam kawalan terutamanya bahan mentah seperti ayam, telur ayam dan sayur," tambahnya.



RONALD

RM528.52 juta stabilkan harga ayam, telur

PETALING JAYA – Kerajaan bersetuju memberi subsidi ayam dan telur kepada penternak bermula 5 Februari hingga 4 Jun 2022 iaitu sepanjang tempoh pelaksanaan Skim Harga Maksimum Keluarga Malaysia (SHMKM).

Menteri Pertanian dan Industri Makanan (MAFI), Datuk Seri Dr. Ronald Khande berkata, pemberian subsidi sebanyak 60 sen per kilogram (kg) kepada

penternak ayam adalah selepas mengambil kira harga ayam hidup di peringkat ladang sebanyak RM5.90 per/kg dan harga runcit ayam bulat standard sebanyak RM8.90 per/kg.

"Selain itu, bagi subsidi telur, jemaah menteri bersetuju memberi sebanyak 5 sen sebiju untuk semua kategori."

"Tujuannya untuk meringankan beban penternak susulan

peningkatan kos terutamanya kos makanan yang meliputi 70 peratus dari kos pengeluaran selain kos logistik, pekerja, utiliti dan ubat-ubatan," katanya dalam satu kenyataan kelmarin.

Beliau memaklumkan anggaran keseluruhan implikasi kewangan kepada kerajaan bagi melaksanakan pemberian subsidi ayam dan telur di seluruh negara untuk tempoh empat bulan

adalah sebanyak RM528.52 juta.

"MAFI melalui Jabatan Perkhidmatan Veterinar (DVS) akan mengadakan sesi libat urus berterusan dengan pihak industri untuk memastikan industri ayam dan telur kekal mampan serta beroperasi dalam skala penuh."

"Tujuannya bagi memastikan pengeluaran ayam dan telur di ladang mencukupi bagi memenuhi keperluan tempatan," ujarnya.



BEKALAN ayam di negara ini dijangka berkurangan biarpun kerajaan memberikan AP kepada beberapa pengusaha pasar raya bagi mengimbangi stok bahan mentah itu. – GAMBAR HIASAN

Jakim diminta nilai status halal ayam negara lain

Stok dijangka kurang menjelang Ramadan

Oleh RASDAN AHMAD

PETALING JAYA – Kebenaran permit import (AP) ayam yang diberikan kepada pasar raya besar bagi mengimbangi keperluan ayam di negara ini dibimbangi masih tidak dapat menampung bekalan ternakan itu menjelang Ramadan ini.

Pengarah Urusan Mydin Mohamed Holding, Datuk Ameer Ali Mydin berkata, ketika ini pihaknya sedang mempertimbangkan harga paling murah daripada beberapa pengeluar ayam proses antaranya China, Thailand dan Brazil.

"Proses ini memakan masa yang agak lama kira-kira dua bulan. Kebenaran AP ini pula hanya dibenarkan sehingga Mei ini.

"Proses menjadi lama kerana kita hanya boleh mengambil stok ayam dari beberapa negara sahaja, pihak kami memerlukan masa dua bulan kerana jarak negara-negara terlibat agak jauh.

"Saya harap status halal yang dinilai Jabatan Kemajuan Islam Malaysia (Jakim) perlu diperluaskan kepada beberapa negara lain supaya kita mempunyai lebih banyak pilihan terutamanya dari negara Asia Barat," katanya kepada



KERATAN Kosmo! 5 Disember 2021.

da Kosmo! di sini semalam.

Menurut beliau, harga pembekal di beberapa negara itu juga agak tinggi dan kebenaran AP yang diperoleh pihaknya juga hanya tertumpu kepada ayam bulat.

Jelas beliau, AP yang diberikan oleh kerajaan dikhaskan kepada ayam bulat bukannya bahagian-bahagian ayam yang lain seperti paha dan kepak sekali gus dibimbangi tidak dapat menampung permintaan pengguna di negara ini.

"Harga ayam segar menjadi tinggi kerana pembekal luar negara akan memainkan harga kerana mereka tahu kita memerlukan stok dan jumlahnya terhad kepada beberapa negara sahaja.

"Oleh itu, pihak Jakim perlu membuat penilaian di beberapa negara lain lagi terutamanya negara Asia Barat dalam menyele-

saikan masalah harga serta bekalan ayam ini," katanya.

Kosmo! sebelum ini melaporkan kerajaan akan mempertimbangkan kebenaran import ayam standard sejuk beku sehingga 10,000 tan metrik atau 5.5 juta ekor sebulan.

Kementerian Pertanian dan Industri Makanan (MAFI) dilaporkan berkata, kebenaran mengimport ayam standard sejuk beku tersebut adalah bagi menampung kekurangan bekalan ayam di pasaran ketika ini.

Langkah intervensi itu dibuat selaras pengumuman Perdana Menteri, Datuk Seri Ismail Sabri Yaakob baru-baru ini sekali gus memastikan bekalan ayam dalam pasaran sentiasa mencukupi dengan harga yang stabil dan berpatutan.

Keperluan ayam dalam negara adalah 3,762 tan metrik (2.09 juta ekor) sehari atau 113,220 tan metrik (62.9 juta ekor) sebulan.

Baru-baru ini, beberapa pengusaha ternakan ayam terpaksa mengambil langkah mengurangkan bekalan haiwan itu yang dipelihara di ladang bagi mengurangkan kos operasi termasuk harga dedak yang semakin meningkat.

Langkah tepat menjelang perayaan

Oleh JUANI MUNIR ABU BAKAR
juani.bakar@mediamula.com.my

PETALING JAYA: Keputusan kerajaan memberi subsidi harga ayam dan telur kepada penternak sepanjang tempoh pelaksanaan Skim Kawalan Harga Keluarga Malaysia (SKHKM) secara langsung dapat mengurangkan beban yang ditanggung mereka ekoran kenaikan kos rantaian bekalan kebelakangan ini.

Bercakap kepada *Utusan Malaysia*, Penasihat Persekutuan Persatuan-Persatuan Penternak Malaysia (FLFAM), Datuk Jeffrey Ng berkata, langkah menang-menang itu tepat pada masa masanya terutama menjelang bulan puasa Ramadan dan perayaan Aidilfitri tidak lama lagi yang sering berlakunya kenaikan harga barangan ekoran peningkatan tinggi dalam kalangan rakyat.

Katanya, meskipun skim itu merupakan langkah singkat, ia dapat mengurangkan beban kos sara hidup penternak dan rakyat yang kini terbeban kenaikan harga barangan khususnya ayam dan telur yang merupakan barangan keperluan asas.

"Mengikut logiknya, pemberian subsidi kepada penternak dapat mengurangkan harga ayam dan telur ayam apabila mekanisme itu dapat meredakan beban kos rantaian sebelum dijual kepada para pengguna.

"Walaupun berlangsung tempoh singkat, ia tepat pada masanya di saat kenaikan harga kedua-dua barangan itu selepas sambutan Tahun Baharu Cina



KERAJAAN setuju memberi subsidi kepada penternak ayam sebanyak 60 sen sekilogram, menjadikan harga ayam hidup di peringkat ladang RM5.90 sekilogram dan harga runcit ayam bulat standard RM8.90 sekilogram.

dan menjelang bulan Ramadan serta Syawal tidak lama lagi," katanya ketika dihubungi semalam.

Kelmarin, Kabinet bersetuju memberi subsidi harga ayam dan telur ayam kepada penternak sepanjang tempoh pelaksanaan SKHKM.

Menteri Pertanian dan Industri Makanan, Datuk Seri Dr Ronald Kiandee berkata, penternak akan menerima subsidi 60 sen sekilogram bagi ayam hidup dan ayam bulat serta 5 sen bagi

sebagai telur ayam tanpa mengira kategori.

Menurut beliau, Jemaah Menteri bersetuju memberi subsidi kepada penternak ayam sebanyak RM0.60 sekilogram dengan mengambil kira harga ayam hidup di peringkat ladang sebanyak RM5.90 sekilogram, dan harga runcit ayam bulat standard sebanyak RM8.90 sekilogram.

Dalam pada itu, Jeffery berkata, kerajaan perlu menyegerakan pemberian dan penyaluran

subsidi tersebut agar bayaran diterima dapat membantu penternak melunaskan pelbagai kos ditanggung selama ini.

Selain itu, Pengerusi Majlis Tindakan Ekonomi Melayu (MTEM), Halim Husin pula meminta kerajaan mempercepatkan usaha mengimport ayam dan telur bagi menampung bekalan stok yang meruncing di pasaran sehingga menimbulkan keluhan dalam kalangan pengguna dan penjual.

Katanya, perkara itu sepa-

tutnya berlaku pada tiga bulan lepas bagi mengelakkan kesan berganda pada masa akan datang.

"Selain itu, kerajaan perlu memikirkan langkah jangka panjang terhadap kenaikan harga ayam dan telur ayam akibat masalah kos bahan mentah ternakan ayam seperti jagung dan dedak yang mendapat permintaan tinggi di peringkat global di samping kejatuhan nilai mata wang ringgit," katanya.

Kian ramai beralih beli telur itik

Oleh AIN SAFRE BIDIN
utusannews@mediamula.com.my

PASIR SALAK: Kesukaran membeli telur ayam di pasaran ketika ini menyebabkan permintaan telur itik meningkat.

Perkara ini diakui seorang penternak itik telur di Sungai Manik dekat sini, Kamaluzaman Jamaludin, 52, yang mengusahakan ternakan itik telur sejak setahun setengah.

Menurutnya, sejak harga telur ayam kurang dan mahal, ramai kini beralih membeli telur itik.

"Sebelum ini biasanya saya menjual telur itik kira-kira 300 biji sehari tetapi sekarang meningkat lebih sekali ganda sehingga 800 biji sehari.

"Keadaan ini disebabkan harga telur ayam yang kurang di pasaran menyebabkan harganya meningkat," katanya ketika ditemui *Utusan Malaysia* di Parit 4 Sungai Manik, dekat sini semalam.



KAMALUZAMAN Jamaludin mengutip telur itik di ladangnya di Parit 4A, Sungai Manik di Pasir Salak semalam. - UTUSAN/AIN SAFRE BIDIN

Kata Kamaluzaman, ladang ternakannya kini menjadi tumpuan daripada pекadai makan, peniaga burger, pengusaha kek dan untuk kegunaan isi rumah.

"Pelanggan juga yang berta-nyakan telur ayam tapi saya kata saya hanya ternak itik. Pelanggan tetap mahu telur itik sebagai pengganti telur ayam," katanya.

Dalam sehari dia boleh mengutip antara 600 hingga 800 biji telur itik.

"Disebabkan permintaan tinggi, saya nak buat telur masin pun

tak cukup. Tambahan pula saya sudah ada pelanggan tetap di kedai di sekitar Sungai Manik," katanya.

Mengenai ternakannya, Kamaluzaman berkata, dia mula menternak sebanyak 700 itik telur dan kini bertambah kepada 1,000 ekor.

Katanya, itik mengambil masa tiga atau empat bulan untuk bertelur.

"Saya tidak menyangka ternakan itik mampu memberikan pulangan pendapatan yang baik apatah lagi ketika ini orang ramai menghadapi masalah untuk mendapatkan telur ayam," katanya.

Menurutnya, dia menjadikan kawasan tanah terbiar di belakang rumahnya sebagai tempat ternakan itik.

"Tapak ternakan itik ini asalnya tanah sawah tapi disebabkan hendak buat sawah banyak guna modal, lebih baik saya ternak itik," katanya.

Segerakan subsidi untuk penternak ayam

Pengumuman MAFI berkaitan situasi dialami penternak disambut baik FLFAM

Oleh NUR IFTITAH ROZLAN

SHAH ALAM

Kerajaan diharap dapat menyegerakan mekanisme pemberian subsidi sebanyak 60 sen setiap kilogram kepada penternak ayam.


Penasihat Persekutuan Persatuan-Persatuan Penternak Malaysia (FLFAM), Datuk Jeffrey Ng berkata, sebagai penternak, pihaknya menyambut baik pengumuman daripada Kementerian Pertanian dan Industri Makanan (MAFI) yang memandangi serius situasi penternak ketika ini.

"Cuma masalahnya mekanisme dan jadual yang mereka akan bayar untuk subsidi kita masih belum tahu.

"Penternak perlu beli dedak setiap hari untuk beri ayam makan, jadi kalau dapat subsidi lewat pun kita tidak ada duit untuk beli makanan ayam.

"Penternak juga ramai yang terpaksa berhutang dengan pembekal dan menanggung kerugian disebabkan keuntungan mereka tidak dapat menampung kos operasi keseluruhan," katanya kepada *Sinar Harian* pada Khamis.

Pada Rabu, kerajaan ber-



Pekerja ladang, Muhammad Haikal Zakari, 21, memeriksa sebahagian 16,000 ekor ayam yang ditanam di sebuah ladang di Kampung Pelam, Telomong, Terengganu.

setuju memberikan subsidi kepada penternak ayam sebanyak 60 sen setiap kilogram dengan mengambil kira harga ayam hidup di peringkat ladang sebanyak RM5.90 sekilogram dan harga runcit ayam bulat standard sebanyak RM8.90 sekilogram.

Selain itu, Menteri Pertanian dan Industri Makanan, Datuk Seri Dr Ronald Kiang berkata, kerajaan juga akan memberi subsidi lima sen sebilu kepada pengeluaran dan penternak untuk semua jenis kategori telur.

Menurutnya, tempoh pemberian subsidi adalah mulai 5 Februari hingga 4 Jun iaitu sepanjang tempoh pelaksanaan Skim Kawalan Harga Keluarga

Malaysia (SKHKM).

Mengulas lanjut, Jeffrey turut menyambut baik usaha MAFI untuk mengadakan sesi libat urus secara berterusan dengan pihak industri bagi memastikan pengeluaran ayam dan telur di ladang mencukupi sekali gus dapat menangani isu kenaikan harga bahan makanan itu di pasaran.

"Ketika ini, apa yang perlu kita lakukan ialah duduk semeja antara pihak industri dengan kerajaan dan berbincang kaedah terbaik untuk menyelesaikan segala masalah yang berbangkit.

"Ini supaya semua pihak faham akan situasi masing-masing, jika tidak masalah tidak akan selesai," jelasnya.

Tambah subsidi ikut harga pasaran

IPOH - Persatuan Penternak Manjung menyambut baik pengumuman kerajaan untuk memberikan subsidi bagi ayam dan telur ayam.

Pengerusinya, Tan Wooli Perng berkata, keputusan kerajaan menerusi Kementerian Pertanian dan Industri Makanan (MAFI) itu sedikit sebanyak melegakan pengusaha ternakan ayam.

Menurutnya, walaupun jumlah itu tidak seperti yang diharapkan, ia tetap membantu meringankan beban penternak.

"Kita berterima kasih kepada kerajaan kerana mendengar keluhan kami dengan mengumumkan pemberian subsidi ini.

"Tetapi kita harap juga kadar subsidi dapat dinaikkan lagi memandangkan harga dedak ayam dijangka meningkat dalam tempoh dua hingga tiga bulan lagi," katanya pada Khamis.

Menurutnya, subsidi tersebut diharap dapat ditambah mengikut harga pasaran makanan bagi ternakan tersebut.

Sementara itu, beliau turut meminta kerajaan segera menjelaskan prosedur mendapatkan subsidi tersebut bagi memudahkan penternak membuat tuntutan.



WOOLI PERNG

Sukar dapat ayam di Kuala Terengganu

KUALA TERENGGANU - Bekalan ayam di daerah ini semakin kritikal apabila kebanyakan gerai jualan runcit di tepi jalan tidak beroperasi pada Khamis kerana sumber makanan itu terputus.

Tinjauan *Sinar Harian* di kebanyakan gerai jualan ayam di daerah ini mendapati bekalan ayam segar berkurangan dan tidak mampu menampung permintaan.

Pekerja kedai runcit dan borong ayam, Syed Ahmad, 25, berkata, buat masa ini jualan ayam terpaksa dicatu dan hanya dijual kepada pelanggan tetap.

"Sebelum ini kita dapat dalam 2,000 ayam sehari. Sekarang berkurangan 50 peratus iaitu sekitar 1,000 ekor.

"Buat masa ini 100 ekor sahaja yang boleh dijual secara runcit kerana kita sudah ada 20 pelanggan borong tetap yang ambil bekalan setiap hari," katanya pada Khamis.

Syed berkata, masalah kekurangan bekalan ayam sudah berlarutan sejak sebulan lalu

dan situasi itu semakin kritikal sejak tiga hari lalu.

Sementara itu, tinjauan di Pasar Bukit Besar di sini mendapati tiga gerai yang menjual ayam habis seawal jam 10 pagi.

Peniaga ayam, Mohd Hilmi Harun, 34, berkata, bekalan ayam diperoleh pada Khamis hanya 30 ekor berbanding 60 ekor pada hari biasa.

"Ayam tak dapat banyak hari ini (Khamis), boleh jual 30 ekor sahaja sebab bekalan susah nak dapat.

"Masalah kekurangan bekalan ayam ini mula dirasakan bermula perayaan Tahun Baharu Cina dan berlarutan sampai sekarang," katanya.

Seorang pelanggan, Mohd Jusoh, 56, berkata, dia tidak dapat membeli ayam walaupun telah pergi ke enam kedai kerana sudah habis dijual.

"Ada lima, enam tempat saya pergi malangnya ayam sudah habis. Semalam (Rabu) pun sama. Hari ini (Khamis) nak cari seekor untuk buat lauk pun susah," katanya.



Mohd Hilmi menunjukkan baki dua ekor ayam yang sudah ditampah pelanggan di gerai di Pasar Bukit Besar.

Perlu ada penyelesaian jangka panjang selain subsidi

SEREMBAN - Satu penyelesaian jangka panjang perlu dilakukan oleh kerajaan bagi mengurangkan kos makanan dalam industri ternakan di negara ini.

Menteri Besar Negeri Sembilan, Datuk Seri Aminuddin Harun berkata, tindakan itu perlu selain subsidi jangka pendek yang sedia ada.

"Pelan jangka panjang itu penting bagi mengatasi masalah yang dihadapi oleh penternak dalam industri ini yang bukan hanya melibatkan ayam tetapi membabitkan haiwan lain seperti lembu dan kambing yang turut berdepan masalah sama.

"Saya berharap kerajaan pusat memikirkan un-



AMINUDDIN

tuk membantu mengeluarkan makanan ternakan kepada semua aktiviti ternakan di negara ini supaya perkara ia dapat diatasi dalam jangka masa panjang," katanya.

Beliau berkata demikian kepada pemberita selepas menyempurnakan Majlis Konvokesyen Kolej Vokasional Ampangan di Casa Lagenda Convention Centre, Seremban di sini pada Khamis.

Jelasnya, jika terdapat kerjasama kerajaan dan swasta dalam mengeluarkan makanan ruminan, pihaknya yakin isu harga itu dapat dikawal.

Inspired by late father to become an animal rescuer

ALOR GAJAH

FOR Norashikin Ahmad, her love for stray animals, especially cats and dogs, knows no bounds.

Norashikin, 29, followed in her father Ahmad Saad's footsteps and began taking an active role in animal rescue in 2014, two years after her father died.

"My late father was an animal lover. Whenever he came across a helpless or sick animal, he would take it home and take care of it. Watching him care deeply for animals since I was a child taught me to treat animals with kindness and respect," she said yesterday.

Equipped with the knowledge of animal care and management from her late father, she started the Star Cat Shelter in Kampung Paku Kelemak here, where hundreds of cats and dogs, as well as horses and monkeys, had been saved.

She decided to build the animal shelter after seeing the local authorities rounding up stray cats in an area in the state.

"At the time, I wasn't sure what the procedure was for captured animals. I was shocked to learn that unclaimed cats would be put to sleep. Since then, I started bringing home stray cats to give them the necessary treatment, including having them neutered and vaccinated.

She said her animal shelter had al-



Norashikin Ahmad

most 100 cats, 60 dogs and five monkeys.

Despite being costly and time consuming, Norashikin said she would never give up caring for neglected animals.

"The effort that I put in animal rescue is for my late father.

"I strongly believe that loving and caring for animals is something that must be taught and nurtured in children from an early age." **Bernama**